

# SCRIPTA

---

**Numéro Scripta** : 594

**Auteur(s)** : Henri II, Eu (comte)

**Bénéficiaire(s)** : Le Tréport, Saint-Michel (abbaye)

**Genre d'acte** : charte

**Authenticité** : non suspect

**Datation** : 1179

**Action juridique** : confirmation

**Langue du texte** : latin

## Analyse

Confirmation à l'abbaye par Henri II, comte d'Eu, des dons de ses prédécesseurs

## Tableau de la tradition

### Éditions principales

a. Laffleur de Kermaingant Pierre, *Cartulaire de l'abbaye de Saint-Michel du Tréport (ordre de Saint-Benoît)*, Paris, Didot, 1880, n° XXXVII, p. 67-69.

Texte établi d'après a

Anno Dominice Incarnationis M°. C°. LXX°. IX°, Romanam ecclesiam regente papa Alexandro III°, Rothom[agen]semque cathedram episcopalem sedente Rotrodo archiepiscopo, Henrico rege filio Mathildis imperatricis dominante in Normannia, Henricus, Augensium comes, huic sancte archangeli Michaelis Ultrisportensi ecclesie concedendo dedi et confirmavi, et super a[ltare] propria manu mea posui, omnia illa dona que antecessores mei, comes videlicet Robertus, et Guillelmus filius ejus, et Henricus avus meus, et Johannes pater meus sui que homines concesserunt, dederunt et confirmaverunt ; et avenam et frumentum de Verli que pertinent ad forestagium, et avenam de Mont Rosti, et decimam de Felcheros Campo et decem libras in lignagio Augi per annum, et moltam de Mesnil Aalat liberam et quietam decimamque pasnagii de foresta Augi et de omnibus exartibus ejusdem foreste, ubicumque fiant, nemus quoque liberum in opus monasterii et ministerii monachorum. Et volo ut ea precipue, que monachi habere debebant, firmiter et plenarie habeant et in perpetuum possideant : totam videlicet et integram decimam de vicecomitatibus Augi, Ultrisportus, Criolii, Septem Molarum et Grandicurie, et omnem palustrem terram quam monachi et Ansgotus tenuerunt, et prata de juxta, et totam moltam et talliam de Monte Hugonis. Et quod homines sancti Michaelis ab omni placito consuetudinario, in omni loco, adversus vicecomites, firmarios aliosque omnes famulos meos, sola manu, absque ulla occasione, se purgabunt. Famuli vero abbatis et monachorum, qui sunt de pane et cibo eorum, in curia sancti Michaelis, simili modo, sola manu se purgabunt, et justicia erit abbatis ; nec umquam pro arverrio, vel sine testimonio, alicui famulorum meorum respondebunt. In Fontibus autem, et in Verleio, et in Adhelardi Maisnilo, et in omni terra sancti Michaelis, si quis aliquem percusserit, sanguinem et justiciam omnem abbati et monachis concedo, arverrium et omnem occasionem condono libertatemque omnibus hominibus, quos habet vel habitura est abbatia Sancti Michaelis Ultrisportensis, in omni terra mea concedo, pro salute anime mee et remissione peccatorum Johannis patris mei meorumque, et omnium antecessorum nostrorum, ut amodo et usque in sempiternum nec ego, nec heredes mei, nullas ab eis exigant collectas, nullas tallias. Et hoc vinculo perpetue excommunicationis ligo et contradicentibus eternam maledictionem et a Deo, in die judicii, separationem imprecor. Et aquam de Augo ad piscandum monachis, in vigilia festivitatis Transfigurationis Domini, et in festivitate sancte Marie Magdalene, et in Translatione sancti Benedicti, concedo ; et culturam que est inter Ultrisportum et Flamangevillam ; et pratum quod Walterius de Sancto Martino

apud Flamengevillam dedit sancto Michaeli, concedentibus filiis suis Waltero et Gaufrido ; et hospitem unum apud Ultrisportum ; et in Thot duas garbas decime de londa ; et feriam in sollemnitate sancti Michaelis, in vigilia et in die ; et omnia que ad me pertinent in mare et in terra, in ipsa villa, in illis diebus ; et apud Augum decimam de la maiere ; apud Utrisportum panem consuetudinis et panem decime, et decimam piscium de emptione ad coquinam comitis. Et quando naves pisces aut caseos vel aliquid aliud monachorum victui necessarium ferentes, ad portum Ultrisportensem venerint, si vicecomes ville ex inde emerit, secundum emptionem comitis monachi sancti Michaelis unius diei victum inde habebunt. Apud Augum etiam, concedo ecclesie Sancti Michaelis de Ulteriori Portu feriam in festivitate sancti Johannis Baptiste ita liberaliter sicut Henricus, avus meus, predicte ecclesie eam dedit et concessit. Hujus confirmationis testes sunt : Thomas de Brienchun, Robertus de Sancto Petro, dapifer, Robertus [de] Davidevilla, Bartholomeus de Brienchun, Walterus de Fulcardimonte, Hudardus Medicus, Petrus, filius Nicolai, Ricardus Buteri, monachus Ultrisportensis, Petrus le Pruvost, Ricardus de Duverent, Walterus de Adhelardi Mainillo et multi alii.